



第一四九二冊

四庫全書

●上海古籍出版社

本冊目次

御選歷代詩餘(二)

清 沈辰垣
王奕清等奉敕編……一

欽定四庫全書

御選歷代詩餘卷三十九目錄六十

蝶戀花上

南唐李煜

馮延巳十二首

丁謂二首

晏殊六首

宋祁

欽定四庫全書

御選歷代詩餘卷三十九目錄

歐陽修十四首

晏幾道十三首

張先二首

柳永二首

蘇軾十三首

秦觀

陳師道

李之儀三首

欽定四庫全書

集部
御選歷代詩餘卷三十九

詳校官中書臣潘有為

侍讀臣孫球覆勘

總校官進士臣朱銓

校對官主事臣陳文樞

賸錄監生臣李元儒

賀鑄 四首

毛滂 八首

杜安世 四首

王詵

舒亶 二首

趙令時

秦觀

葛勝仲 三首

欽定四庫全書

御選歷代詩餘
卷三十九目錄

二

周紫芝

謝逸

周邦彥 十首

曹組

御選歷代詩餘卷三十九目錄

欽定四庫全書

御選歷代詩餘卷三十九目錄

同經局沈馬王房等翰林院修撰加二級臣王雲清奉

肯校刊

蝶戀花 上

雙調六十字一名黃金縷一名鳳棲梧一名鶻踏
枝一名一羅金一名蘇水同歡一名撓珠簾一名

南浦生

蝶戀花

南唐李煜

欽定四庫全書

御選歷代詩餘
卷三十九

選夜亭皋閒信步繞過清明漸覺傷春暮數點雨聲風

約住勝隴澹月雲來去桃李依依香暗度誰在秋千

笑裏輕輕語一片芳心千萬緒人間沒箇安排處

前調

馮延巳

梅落繁枝千萬片猶自多情學雪隨風轉昨夜笙歌容

易散酒醒添得愁無限樓上春寒山四面過盡征鴻

暮景煙深淺一晌凭闌人不見紅綃掩淚思量徧

前調

馮延巳

秋入鸞蕉風半裂狼藉池塘雨打疎荷折遶砌蛩聲芳
草歇愁腸學盡丁香結 回首西南看晚月孤鴈來時
塞管聲鳴咽歷歷前歡無處說關山何日休離別

前調

馮延巳

鵲外寒雞天欲曙香印成灰起坐渾無緒簷際高梧凝
宿霧捲簾雙鵲驚飛去 屏上羅衣閒繡縷一晌關情
憶徧江南路夜夜夢魂休謾語已知前事無尋處

前調

馮延巳

欽定四庫全書

御選歷代詩餘
卷三十九

二

蕭索清秋珠淚墜枕簟微涼展轉渾無寐殘酒欲醒中
夜起月明如練天如水 階下寒聲啼絡緯庭樹金風
悄悄重門閉可惜舊歡攜手地思量一夕成憔悴

前調

馮延巳

煩惱韶光能幾許腸斷魂銷看却春還去祇喜牆頭靈
鵲語不知青鳥全相誤 心若垂楊千萬縷水閣花飛
夢斷巫山路開眼新愁無間處珠簾錦帳相思否

前調

馮延巳

霜落小園瑤草短瘦葉和風惆悵芳時換舊恨年年愁
不管朦朧如夢空腸斷 獨立荒池斜日岸牆外遙山
隱隱連天漢忽憶當年歌舞伴晚來雙臉啼痕滿

前調

馮延巳

芳草滿園花滿目簾外微微細雨籠庭竹楊柳千條珠
翠凝碧池波皺驚鶯浴 窈窕人家顏似玉絃管泠泠
齊奏雲和曲公子歡筵猶未足斜陽不用相催促

前調

馮延巳

欽定四庫全書

御選歷代詩餘
卷三十九

三

幾度鳳樓同飲宴此夕相逢却勝當時見低語前歡頻
轉面雙眉斂恨春山遠 蠟燭淚流羌笛怨偷整羅衣
欲唱情猶嬾醉裏不辭金盞滿陽關一曲腸千斷

前調

馮延巳

幾日行雲何處去忘了歸來不道春將暮百草千花寒
食路香車繫在誰家樹 淚眼倚樓頻獨語雙燕飛來
陌上相逢否撩亂春愁如柳絮悠悠夢裏無尋處

前調

馮延巳

粉映牆頭寒欲盡宮漏長時酒醒人猶困一點春心無限恨羅衣印滿啼妝粉柳暗花飛寒食近陌上行人杳不傳芳信樓上重簷山隱隱東風盡日吹蟬鬢

前調

馮延巳

六曲闌干偎碧樹楊柳風輕展盡黃金縷誰把鈿筩移玉柱穿簾海燕雙飛去滿眼游絲蕙落絮紅杏開時一霎清明雨濃睡覺來鶯亂語鶯殘好夢無尋處

前調

馮延巳

欽定四庫全書

御選歷代詩餘
卷三十九

誰道閒情拋棄久每到春來惆悵還依舊日日花前常病酒不辭鏡裏朱顏瘦河畔青蕪堤上柳為問新愁何事年年有獨立小橋風滿袖平林新月人歸後

前調

丁謂

十二層樓春色早三殿笙歌九陌風光好堤柳岸花連複道玉梯相對開蓬島鶯囀喬林魚在藻太液微波綠闌王孫草南闌萬人瞻羽葆後天祝聖天難老

前調

丁謂

朱闕玉城通閭苑月桂星榆春色無深淺蕭瑟復笙仙客宴蟠桃花滿蓬萊殿九色明霞裁羽扇雲霧為車鸞鶴騰雕輦路指瑤池歸去晚臺中日月如天遠

前調

晏殊

一霎秋風驚畫扇豔粉嬌紅尚折荷花面草際露垂蟲響徧珠簾不下留歸燕埽掠亭臺開小院四座清歡莫放金杯淺龜鶴命長松壽遠陽春一曲情千萬

前調

晏殊

欽定四庫全書

御選歷代詩餘
卷三十九

紫菊初生朱槿墜月好風清漸有中秋意更漏乍長天似水銀屏展盡遙山翠繡幕卷波香引穗急管繁絃共愛人間瑞滿酌玉杯繁舞袂長春祝壽千千歲

前調

晏殊

南鴈依稀迴側陣雪霽牆陰偏覺蘭芽嫩中夜夢餘消酒困爐香卷穗燈生暈急景流年都一瞬往事前歡未免縈方寸臘後花期知漸近寒梅已作東風信

前調

晏殊

檻菊愁煙蘭泣露羅幙輕寒燕子雙飛去明月不諳離恨苦斜光到曉穿朱戶昨夜西風凋碧樹獨上高樓望盡天涯路欲寄彩牋無尺素山長水闊知何處

前調

晏殊

簾幕風輕雙語燕午睡醒來柳絮飛掠亂心事一春猶未見餘花落盡青苔院百尺朱樓閒倚徧薄雨濃雲底事遮人面消息未知歸早晚斜陽只送平波遠

前調

晏殊

欽定四庫全書

御選歷代詩餘
卷三十九

六

紫府羣仙名籍秘五色斑龍雙降人間媚海變桑田都不記蟠桃一熟三千歲露滴彩旌雲遠袂誰信壺中別有笙歌地門外落花隨水逝相看莫惜尊前醉

前調

宋祁

繡幕茫茫羅帳捲春睡騰騰困入嬌波慢隱隱枕痕留玉臉膩雲斜溜釵頭燕遠夢無端歡又散淚落臙脂界破蜂黃淺整了翠鬟勻了面芳心一寸情何限

前調

歐陽修

簾幕東風寒料峭雪裏梅香先報春來早紅蠟枝頭雙燕小金刀翦綠呈纖巧旋暖金爐重蕙藻酒入橫波困不禁煩惱繡被五更春睡好羅幙不覺紗牕曉

前調

歐陽修

庭院深深深幾許楊柳堆煙簾幕無量數玉勒雕鞍遊冶處樓高不見章臺路雨橫風狂三月暮門掩黃昏無計留春住淚眼問花花不語亂紅飛過秋千去

前調

歐陽修

欽定四庫全書

御選歷代詩餘
卷三十九

七

臘雪初消梅蕊綻梅雪相和喜鵲穿花轉睡起夕陽迷醉眼新愁長向東風亂瘦覺玉肌羅帶緩紅杏梢頭二月春猶淺望極不來芳信斷音書縱有爭如見

前調

歐陽修

海燕雙來歸畫棟簾影無風花影頻移動半醉騰騰春睡重綠鬟堆枕香雲擁翠被雙盤金縷鳳憶得前春有箇人人共花裏黃鸝時一啣日斜驚起相思夢

前調

歐陽修

面旋落花風蕩漾柳重煙深雪絮飛來往雨後輕寒猶未放春愁酒病成惆悵 枕畔屏山圓碧浪翠被華燈夜夜空相對寂寞起來寒繡幌月明正在梨花上

前調

歐陽修

永日環堤綠絲艸煙草蕭疎恰似晴江上水浸碧天風皺浪菱花符蔓隨雙槳 紅粉佳人翻麗唱驚起鴛鴦兩兩飛相向且把金尊傾美釀休思往事成惆悵

前調

歐陽修

欽定四庫全書

柳邊歷代詩餘
卷三十九

越女採蓮秋水畔窄袖輕羅暗露雙金釧照影摘花花似面芳心只共絲爭亂 鷓鴣灘頭風浪晚霧重煙輕不見來時伴隱隱歌聲歸棹遠離愁引著江南岸

前調

歐陽修

水浸秋天風皺浪縹緲仙舟只似秋天上和露採蓮愁一晌看花却是啼妝樣 折得蓮莖絲未放蓮斷絲牽特地成惆悵歸棹莫愁花蕩漾江頭有箇人相望

前調

歐陽修

黎葉初紅蟬韻歇銀漢風高玉管聲凄切枕簟乍涼銅漏徹誰教社燕輕離別 草際蟲吟秋露結宿酒醒來不記歸時節多少衷腸猶未說珠簾夜夜朦朧月

前調

歐陽修

翠苑紅芳晴滿目綺席流鶯上下長相逐紫陌閒隨金轡轆馬蹄踏徧春郊綠 一覺年華春夢促往事悠悠百種尋思足煙雨滿樓山斷續人間倚徧闌干曲

前調

歐陽修

欽定四庫全書

柳邊歷代詩餘
卷三十九

小院深深門掩亞寂寞珠簾盡閣重重下欲近禁煙微雨罷綠楊深處秋千挂 傳粉狂遊猶未捨不念芳時眉黛無人畫薄倖未歸春去也杏花零落香紅謝

前調

歐陽修

欲過清明煙雨細小檻臨牕點點殘花墜梁燕語多驚曉睡銀屏一半堆香被 新歲風光如舊歲所恨征輪漸漸程迢遞縱有遠情難寫寄何妨解有相思淚

前調

歐陽修

畫閣歸來春又晚燕子雙飛柳軟桃花淺細雨滿天風
滿院愁眉斂盡無人見獨倚闌干心緒亂芳草芊芊
尚憶江南岸風月無情人暗換舊遊如夢空腸斷

前調

歐陽修

嘗愛西湖春色早臘雪方銷已見桃開小頃刻光陰都
過了如今綠暗紅英少且趁餘花謀一笑况有笙歌
豔態相縈繞老去風情應不到憑君剗把芳尊倒

前調

晏幾道

欽定四庫全書

御選歷代詩餘
卷三十九

十

卷絮風頭寒欲盡墜粉飄紅日日香成陣新酒又添殘
酒困今春不減前春恨蝶去鶯飛無處問隔水高樓
望斷雙魚信惱亂橫波秋一寸斜陽只與黃昏近

前調

晏幾道

初撚霜絃生悵望隔葉鶯聲似學秦娥唱午睡醒來慵
一晌雙紋翠簾鋪寒浪雨罷蘋風吹碧漲脈脈荷花
淚臉紅相向斜貼綠雲新月上彎環正是愁眉樣

前調

晏幾道

庭院碧苔紅葉徧金菊開時已近登高宴日日露荷凋
綠扇粉塘煙水澄如練試倚涼風醒酒面鴈字來時
恰向層樓見幾點護霜雲影轉誰家蘆管吹秋怨

前調

晏幾道

喜鵲橋成催鳳駕天為歡逢乞與初涼夜乞巧雙蛾如
意畫玉鉤斜傍西南挂分鈿擘釵涼葉下香袖凭肩
誰記當時話路隔銀河猶可借世間離恨何年罷

前調

晏幾道

欽定四庫全書

御選歷代詩餘
卷三十九

十一

碧草池塘春又晚小葉風嬌尚學城妝淺雙燕來時還
念遠珠簾繡戶楊花滿綠柱頻移絃易斷細看秦箏
正似人情短一曲啼鳥心緒亂紅顏暗與流年換

前調

晏幾道

夢入江南煙水路行盡江南不與離人遇睡裏銷魂無
說處覺來惆悵佳期誤欲盡此情書尺素浮鴈沉魚
終了無憑據却倚鴟絃歌別緒斷腸移破秦箏柱

前調

晏幾道

醉別西樓醒不記春夢秋雲聚散真容易斜月半牕還
少睡畫屏閒展吳山翠衣上酒痕詩裏字點點行行
總是淒涼意紅燭自憐無好計夜寒空替人垂淚

前調

晏幾道

千葉早梅誇百媚笑面凌寒內樣妝先試月臉冰肌香
細膩風流新稱東君意一稔年光春有味江北江南
更有誰相比橫玉聲中吹滿地好枝長恨無人寄

前調

晏幾道

欽定四庫全書

柳道歷代詩餘
卷三十九

十三

金翦刀頭芳意動綠蕊開時不怕朝寒重晴雪半消花
鬟鬆曉妝呵盡香酥凍十二樓中雙翠鳳紛紛歌聲
記得江南弄醉舞春風誰可共秦雲已有鴛屏夢

前調

晏幾道

笑豔秋蓮生綠浦紅臉青腰舊識凌波女照影弄妝嬌
欲語西風豈是繁華主可恨良辰天不與纔過斜陽
又值黃昏雨朝落暮闌空自許竟無人解知心苦

前調

晏幾道

碧落秋風吹玉樹翠節紅旌晚過銀河路休笑星機停
弄杼鳳幃已在雲深處樓上金鉞穿繡縷誰管天邊
隔歲分飛苦試等夜闌尋別緒淚痕千點羅衣露

前調

晏幾道

碧玉高樓臨水住紅杏開時花底曾相遇一曲陽春春
已暮晚鶯聲斷朝雲去遠水來從樓下路過盡流波
未得魚中素月細風尖垂柳渡夢魂長在分襟處

前調

晏幾道

欽定四庫全書

柳道歷代詩餘
卷三十九

十三

黃菊開時傷聚散曾記花前共說深深願重見金英人
未見相思一夜天涯遠羅袖同心閒結徧帶易成雙
人恨成雙晚欲寫彩箋書別怨淚痕早已先書滿

前調

張先

移得綠楊栽後院學舞宮腰二月青猶短不比灞陵多
送遠殘絲亂絮東西岸幾葉小眉寒不展莫唱陽關
真箇無腸斷分付與春春細看條條盡是離人怨

前調

張先

密宴未休池館暮天漢沉沉借得春光住紅翠闌為長袖舞香檀拍過驚鴻翳明日不知花在否今夜圓蟾後夜憂風雨可惜歌雲容易去東城楊柳來時路

前調

柳永

簾下清歌簾外宴雖愛新聲不見如花面牙板數敲珠一非梁塵暗落琉璃盞桐樹流聲孤鳳怨漸逼遙天不放行雲散座上少年聽未慣玉山將倒腸先斷

前調

柳永

欽定四庫全書

御選歷代詩餘卷三十九

十四

獨倚危樓風細望極離愁黯黯生天際草色山光殘照裏無人會得凭欄意也擬疎狂圖一醉對酒當歌彊樂還無味衣帶漸寬終不悔為伊消得人憔悴

前調

蘇軾

花褪殘紅青杏小燕子飛時綠水人家遠枝上柳絲吹又少天涯何處無芳草牆裏秋千牆外道牆外行人牆裏佳人笑笑漸不聞聲漸悄多情却被無情惱

前調

蘇軾

一顆櫻桃樊素口不愛黃金只愛人長久學畫鴉兒猶未就眉尖已作傷春皺撲蝶西園隨伴走花落花開漸解相思瘦破鏡重圓人在否章臺折盡青青柳

前調

蘇軾

雨過春容清更麗只有離人幽恨終難洗北固山前三面水碧瓊梳擁青螺髻一紙鄉書來萬里問我何年真箇成歸計白首送春拚一醉東風吹破千行淚

前調

蘇軾

欽定四庫全書

御選歷代詩餘卷三十九

十五

簌簌無風花自妥寂寞園林柳老櫻桃過落日多情還照座山青一點橫雲破路盡河迴千轉柁繫纜漁村月暗孤燈火憑仗飛魂招楚些我思君處君思我

前調

蘇軾

密州上元

燈火錢塘三五夜明月如霜照見人如畫帳底吹笙香吐麝此般風味應無價寂寞山城人老也擊鼓吹簫乍入農桑社火冷燈稀霜露下昏昏雪意雲垂野

前調

密州文安國席上

蘇軾

簾外東風交雨霰簾裏佳人笑語如鶯燕深惜今年正月暖燈光酒色搖金盞
撻鼓漁陽棹未徧舞裙瓊釵汗濕香羅軟今夜何人吟古怨清詩未就冰生研

前調

過連水贈
趙晦之

蘇軾

自古漣漪佳絕地遠郭荷花欲把吳興比倦客塵埃何處洗真君堂下寒泉水
左海門前酤酒市夜半潮來月下孤舟起傾蓋相逢拚一醉雙鳬飛去人千里

前調

蘇軾

欽定四庫全書

御選歷代詩餘
卷三十九

十六

春事闌珊芳草歇客裏風光又過清明節小院黃昏人憶別落紅處處閒啼鴂
咫尺江山分楚越日斷魂消應是音塵絕夢破五更心欲折角聲吹落梅花月

前調

蘇軾

記得畫堂初會過好夢驚迴望斷高唐路燕子雙飛來又去紗牕幾度春光暮
那日繡簾相見處低眼伴行笑整香雲縷斂盡春山羞不語人前深意難輕訴

前調

蘇軾

昨夜秋風來萬里月上屏幃冷透人衣袂有客抱衾愁不寐那堪玉漏長如歲
羈舍留連歸計未夢斷魂消一枕相思淚衣帶漸寬無別意新書報我添憔悴

前調

蘇軾

玉枕冰寒消暑氣碧簾紗幮向午朦朧睡驚舌惺忪如會意無端畫扇驚飛起
雨後初涼生水際人面桃花的的遙相似眼看紅芳猶抱蕊叢中已結新蓮子

前調

蘇軾

欽定四庫全書

御選歷代詩餘
卷三十九

十七

雨霰疎疎經潑火巷陌秋千猶未清明過杏子梢頭香蕾破澹紅褪白臙脂泥
苦被多情相折挫病緒厭厭渾似年時箇遠徧迴廊還獨坐月籠雲暗重門鎖

前調

蘇軾

蝶嬾鶯慵春過半花落在風小院殘紅滿午醉未醒紅日晚黃昏簾幙無人卷
雲鬢鬢髮眉黛淺總是愁媒欲訴誰消遣未信此情難繫絆楊花猶有東風管

前調

秦觀

曉日窺軒雙燕語似與佳人共惜春將暮屈指豔陽都
幾許可無時霎間風雨 流水落花無問處只有飛雲
冉冉來還去持酒勸雲雲且住憑君礙斷春歸路

前調

送彭舍人
罷徐州

陳師道

九里山前千里路流水無情只送行人去路轉河迴寒
日暮連峯不許重回顧 水解隨人花却住奈冷香銷
但有殘妝污淚入長江空幾許雙鴻一抹無尋處

前調

李之儀

欽定四庫全書

御選歷代詩餘
卷三十九

十八

天澹雲閒晴晝永庭戶深沉滿地梧桐影骨冷魂清如
夢醒夢回猶是前時景 取次杯盤催酩酊醉帽頻欹
又被風吹正踏月歸來人已靜恍疑身在蓬萊頂

前調

李之儀

玉骨冰肌天所賦似與神仙來作煙霞侶枕畔拈來親
手付書牕終日常相顧 幾度離披留不住依舊清香
只欠能言語再送神仙須愛護他時却待親來取

前調

李之儀

為愛梅花如粉面天與工夫不似人間見幾度拈來親
比看工夫却是花枝淺 見得歸來臨几硯盡日相看
默默情無限更不嫌時須百遍分明銷得人腸斷

前調

賀鑄

桃葉園林風日好曲逕珍叢處處聞啼鳥翠珥金丸委
芳草戰羅塵動香裙婦 片帆乘興來須早每話長安
引領猶西笑離索年多故人少江南有鴈無書到

前調

賀鑄

欽定四庫全書

御選歷代詩餘
卷三十九

十九

排辦張燈春事早十二都門物色宜新曉金轡車輕玉
驄小拂頭楊柳穿馳道 尊羹鱸膾非吾好去國謳吟
半落江南調滿眼青山恨西照長安不見令人老

前調

賀鑄

睡鴨爐寒熏麝煎寂寂歌梁無計留歸燕十二曲欄閒
倚徧一杯長待何人勸 不識當年桃葉面吟詠佳詞
想像猶曾見兩槳往東風與便潮平月上江如練

前調

賀鑄

小院朱扉開一扇內樣新妝鏡裏分明見眉暈半深脣
注淺朶雲冠子偏宜面 被掩芙蓉重簾影沉沉
祇有雙飛燕心事向人猶覩腆強來牕下尋紅綫

前調 職周生
鼓琵琶

毛滂

聞說君家傳窈窕秀色天真更奪丹青妙細意端相都
總好春愁春媚生顰笑 瑤玉風前金鳳小那事殷勤
總托琵琶道十二峰雲遮醉倒華燈翠帳花相照

前調 秋晚東歸
留吳甚久

毛滂

欽定四庫全書 新選歷代詩餘
卷三十九

二十

江接寒溪家已近想見秋來松菊荒三徑自送吳山秋
色盡星星却入雙蓬鬢 鳬短鶴長真箇定勛業未遲
不用頻看鏡嬾出問人人不問綠尊倒盡橫書枕

前調 寒秀
亭梅

毛滂

相見江南情不少爾許多時怪得無消耗澹日暖雲勾
引到闌干寂寞憐春小 官面可收勾畫了粉瘦酥寒
一段天真好喚起玉兒嬌睡覺半山殘月南枝曉

前調 寒食

毛滂

紅杏梢頭寒食雨燕子泥新不住飛來去行傍柳陰閑
好語驚兒穿過黃金縷 桑落酒寒杯嬾舉總被多情
做的無情緒春過二分能幾許銀臺新火重簾暮

前調 東堂手栽
牡丹見花

毛滂

三疊闌干鋪碧甃小雨新晴繞過清明後初見花王披
袞繡嬌雲瑞日明春晝 彩女朝天質秀鬢髻微偏
風捲霞衣皺莫道東君情最厚韶光半在東堂手

前調 春夜
不寐

毛滂

欽定四庫全書 新選歷代詩餘
卷三十九

三十一

紅影斑斑吹錦片露葉煙梢寒月娟娟滿更起遶庭行
百徧無人祇有棲鶯見 覓箇薄情心對換愁緒偏長
不信春宵短正是碧雲音信斷半衾猶賴香熏暖

前調 和孫
使君

毛滂

城上春雲低閣雨漸覺春隨一片花飛去素頸圓吭鶯
燕語不妨緩緩歌金縷 墮紀頽綱公已舉但見清風
蕭瑟隨談塵借冠假饒天不許未須忙遣韶華暮

前調 教桃

毛滂

不雨不晴秋氣味酒病秋懷不做惺忪地初換夾衣圍
翠被蕙薇水潤銜香膩 旋折秋英餐露蕊金縷蛩團
更試簾泉水幽夢不來尋小睡無言劃盡屏山翠

前調

杜安世

整頓雲鬟初睡起庭院無風盡日簾垂地畫閣巢新燕
聲喜楊花狂散無拘繫 近來早是添憔悴金縷衣寬
賽過宮腰細冉冉光陰似流水春殘鶯老人千里

前調

杜安世

欽定四庫全書

御選歷代詩餘
卷三十九

三十一

池上新秋簾幙卷蘆花嬌紅鏡裏西施面衰柳搖風尚
柔軟眠沙鴻鴈臨清淺 新翻歸翅雲間燕滿地槐花
盡日蟬聲亂獨倚闌干暮山遠一場寂寞無人見

前調

杜安世

籬落繁枝千萬片猶自多情似雪隨風轉昨夜笙歌客
易散酒醒添得愁無限 樓上春雲山四面過盡征鴻
暮景煙深淺一晌凭闌人未見紅綃掩淚思量偏

前調

杜安世

惆悵留春留不住欲到清和背我堂堂去飛絮落花和
細雨淒涼庭院流鶯度 更被閒愁相賺誤夢斷高唐
回首桃源路一晌沈吟無意緒分明往事今何處

前調

王詵

鐘送黃昏雞報曉昏曉相催世事何時了萬苦千愁人
自老春來依舊生芳草 忙處人多閒處少閒處光陰
幾箇人知道獨上高樓雲香杳天涯一點青山小

前調賦梅別
公度

舒亶

欽定四庫全書

御選歷代詩餘
卷三十九

三十一

雪後江城紅日晚暖入香梢漸覺瓊瓏滿髻鬢臨風妝
半面水晶斜卷誰庭院 折向尊前君細看便是江南
寄我人還遠手把北枝多少怨小樓橫笛吹腸斷

前調

舒亶

深炷熏爐局小院手撚黃花尚覺金猶淺回首畫堂雙
語燕無情漸漸看人遠 相見爭如初不見短髯潘郎
陡覺年華換最是西風吹不斷心頭往事歌中怨

前調

趙令時

欲減羅衣寒未去不卷珠簾人在深深處殘香枝頭花
幾許啼紅止恨清明雨 盡日水沉香一縷宿酒醒遲
惱破春情緒飛燕又將歸信誤小屏風上西江路

前調

足司馬才
仲夢中詞

秦觀

妾本錢塘江上住花落花開不管流年度燕子銜將春
色去紗牕幾陣黃梅雨 斜插犀梳雲半吐檀板輕敲
唱徹黃金縷夢斷彩雲無覓處夜凉明月生南浦

前調

和王
廬訪

葛勝仲

欽定四庫全書

御選歷代詩餘
卷三十九

三五

風過連漪紋殺細十指香檀驚破交禽睡野蕨溪毛真
易致風流未減蘭亭會 擊汰千舸供洛襖映水垂楊
萬縷拖濃翠小海一聲波上戲殷勤留客千金意

前調

照花

葛勝仲

二月春遊須爛漫秉燭看花只為晨曦短高舉蠟薪通
夕看紅光萬丈騰天半 寄語平時遊冶伴不負分陰
勝事輸今段燈火休催歸小院殷勤更照桃花面

前調

葛勝仲

已過春分春欲去千炬花間作意留春住一曲清歌無
誤顧繞梁餘韻歸何處 盡日勸春春不語紅氣蒸霞
且看桃千樹才子霏譚更五鼓剝看走筆揮風雨

前調

周紫芝

天意曉晴風又雨催得風前日日吹輕絮燕子不飛鶯
不語滿庭芳草空無數 春去可堪人也去枝上殘紅
不忍擡頭覷假使留春春肯住喚誰相伴春同處

前調

謝逸

欽定四庫全書

御選歷代詩餘
卷三十九

三五

豆蔻梢頭春色淺新試紗衣拂袖東風軟紅日三竿簾
幙卷畫樓影裏雙飛燕 攏鬢步搖青玉碾缺樣花枝
黃葉蜂兒顫獨倚闌干凝望遠一川煙草平如翦

前調

柳五

周邦彥

愛日輕明新雪後柳眼星星漸欲穿牕牖不待長亭傾
別酒一枝已入驂人手 淺淺柔黃輕蠟透過盡冰霜
便與春爭秀強對青銅簪白首老來風味難依舊

前調

周邦彥